

Statement of the Monetary Policy Committee - Sesotho Version

POLELO EA KOMITI E PHETHAHATSANG LEANO LA LICHELETE (MONETARY POLICY COMMITTEE)



Ka: Dr. Emmanuel Maluke Letete – La 29 Mots'eanong 2026

MORUO OA LEFATSE

Komiti ea Leano la Lichelete (MPC) ea Banka e Khōlō ea Lesotho e kopane ka la 29 Motšeanong 2026 ho lekola maemo a moruo oa lefatše le oa naha, le ho etsa qeto mabapi le boemo bo nepahetseng ba leano la lichelete bo lumellanang le ho boloka botsitso ba litheko, ho sireletsa matlotlo a kante ho naha le ho tšehetsa kholo ea moruo e tsitsitseng.

Moruo oa lefatše hajoale o aparetsoe ke ho se tsitse ho bakoang ke lintlha tse ngata, moo ntoa ea Middle East e leng eona e ka sehloohong. Ntoa ena e bakile ho koaloa hoo e batlang e le ka botlalo ha Strait of Hormuz mme ea baka keketseho e kholo ea litheko tsa oli e tala. Ka nako e tšoanang, sephethephethe sa likepe se fetang Strait seo se ile sa theohela haufi le lefela, e leng se bakileng tšitiso e kholo phepelong ea matla lefatšeng ka bophara. Ho sa le joalo, litheko tsa khauta li ile tsa nyoloha ka lebaka la tlhokahalo e phahameng ea matsete a sireletsehileng har'a keketseho ea matšoenyeho a kotsi ea lefatše le ho se tsitse ha lipolotiki tsa machaba.

Ka lebaka la maemo ana, tlaho ea IMF ea World Economic Outlook ea Mmesa 2026 e theotse kholo ea moruo oa lefatše ho ea ho liphesente tse 3.1 ka 2026 le liphesente tse 3.2 ka 2027 ha li bapisoa le khakanyo ea pejana ea liphesente tse 3.3.

IMF pele e ne e lebelletse hore sekhahla sa matla a theko se tla theoha, empa ho se tsitse hona ho entse hore sekhahla sa matla a theko ea lefatše e hakanyetsoe ho nyolohela ho liphesente tse 4.4 ka 2026 pele e theoha hape ka 2027. Likotsi tse kholo moruong oa lefatše li lebelletsoe ho tsoa mathateng a phepele ea lijo ka lebaka la khaello ea manyolo le tšokelo e atamelang ea Super El Niño. Ho se tsebe hore na ntoa ea Middle East e tla fela neng le hona ho eketsa likotsi tsa kholo e tlase ea moruo oa lefatše le inflation e phahameng.

Tšusumetso ea moruo ea tšitiso ena ea morao-rao e lebelletsoe ho ama linaha ka tsela e sa lekanang, haholo-holo linaha tse kenang thepa e ngata kante ho naha tse nang le meputso e tlase le mebaraka e ntseng e hola, ka litsela tse tharo tse kholo: keketseho ea litheko tsa matla le lijo, ho tsoela pele ha keketseho ea meputso le litheko, le ho fokotseha ha tšepo ea sechaba ka kakaretso. Ka lebaka leo, libanka tse kholo tsa lefatše li ile tsa boloka boemo bo hlokolosi ka Mmesa 2026, li khetha ho lekola litlamorao tsa bobeli tsa inflation tse bakoang ke litšenyehelo tse phahameng tsa matla pele li fetola maano a tsona.

MAEMO A MORUO TIKOLOHONG E KA BOROA HO AFRIKA

Boemong ba tikoloho, haholo-holo ka hare ho Common Monetary Area (CMA), menyetla ea kholo ea moruo ea Afrika Boroa ea nako e khuts'oane e ile ea fokotsoa haholo-holo ka lebaka la ho se tsitse ho phahameng ha lefatše le chelete e tlase e fumanehang ho batho. Ho sa le joalo, litheko tse phahameng tsa matla li ile tsa phahamisa inflation ho ea ho liphesente tse 4.0 ka Mmesa 2026, haholo-holo ka inflation ea lipalangoang. Ka lebaka leo, South African Reserve Bank (SARB) e ile ea phahamisa sekhahla sa eona sa leano la lichelete ho liphesente tse 7.00 ka selemo.

Boemo ba Lesotho ba matlotlo a kante ho naha bo ile ba tsoela pele ho ba matla ho tloha kopanong ea ho qetela ea MPC. Net International Reserves (NIR) e ne e eme ho limilione tse 1,227 tsa lidolara tsa Amerika ka la 19 Motšeanong 2026, e emelang buffer ea limilione tse 217 tsa lidolara tsa Amerika kaholimo ho revised NIR target floor ea limilione tse 1,030 tsa lidolara tsa Amerika. Sena se bontša hore peg ea sekhahla sa phapanyetsano ea chelete e ntse e tšehelitsoe hantle khahlanong le khatello efe kapa efe ea lichelete. Tebello ea NIR ea nako e haufi e ntse e le ntle ka kakaretso.

MAEMO A MORUO KA HARE HO NAHA EA LESOTHO

Kholo ea Moruo

Ka hare ho naha, inflation e ile ea nyolohela ho liphesente tse 3.7 ka Mmesa 2026 haholo-holo ka lebaka la tšitiso ea matla ea lefatše, e bontšitsoeng haholo-holo ke tšusumetso ea inflation ea lipalangoang e le eona e ka sehloohong.

Litjeo (Inflation)

Ho sa le joalo, tebello ea inflation ea nako e mahareng e ntlafalitsoe ho ea holimo, moo inflation e hakanyetsoang ho fihla ho liphesente tse 4.8 ka 2026 le liphesente tse 5.0 ka 2027 pele e theohela ho liphesente tse 4.4 ka 2028. Likotsi tse ling tebello ea inflation li kennyelletsatse khatello ea sekhahla sa phapanyetsano le litšenyehelo tsa thepa e tsoang kante ho naha, monyetla oa ho khutlisoa ha fuel levies le tlhokahalo e fokolang ea ka hare ho naha.

Kholo ea moruo oa naha e ntse e le maemong a tlase, moo Composite Indicator of Economic Activity (CIEA) e bontšitseng keketseho e nyane mathoasong a 2026. Sena se tšehelitsoe haholo-holo ke tlhokahalo e matla ea ka hare ho naha, keketseho ea thepa ea masela e romelloang kante ho naha ka lebaka la katoloso ea AGOA le ts'ebetso e ntlafetseng ea litšebeliso tsa lichelete. Haeba litheko tse phahameng tsa mafura li ka tsoela pele, li ka fokotsa matla a malapa a ho reka le tšepo ea likhoebo, haholo-holo mafapheng a itšetlehileng haholo ka lipalangoang.

LIQHOLOTSO

Kamora ho hlahloba ka hloko tekano lipakeng tsa ho boloka botsitso ba kante ho naha le ho tšehetsa mesebetsi ea moruo oa ka hare ho naha, MPC e hlokometse:

- Matlotlo a kante ho naha a ntse a le matla.
- Ho se tsitse ha maemo a kante ho naha ka lebaka la maemo a Middle East.
- Ho phahama hape ha inflation le ntlafatso ea tebello ea nako e mahareng ho ea holimo.
- Maemo a fokolang a moruo oa ka hare ho naha a hlokanang tlhokomelo khahlanong le leano la lichelete le thata haholo.

QETO EA KOMITI

Ka hona, komiti ea Phethahatso ea Leano la Lichelete e nkile qeto ea ho:

- Nyolla sekhahla sa leano la Banka e Khōlō ea Lesotho ho tloha ho liphesente tse 6.50 ho isa ho 6.75 ka selemo.**

Komiti e nka boemo bona bo loketse kaha phapang e nyane e mpe ea sekhahla sa tsoala ea lintlha tse 25 ha e bapisoa le sekhahla sa repo sa SARB sa liphesente tse 7.00 ka selemo e nkuoa e lekane ho boloka Loti le Ranta li lekane ea sekhahla sa 1:1 mme ka hona e tšehetsa mesebetsi ea moruo oa ka hare ho naha.

Komiti e tla tsoela pele ho beha leihlo tsebetso ea meruo ea lefatše le tikoloho le ho ba Malala-a-laotse ho nka mehato e hlokalang ho boloka boemo ba Loti bo lekane le ba Ranta ka sekhahla sa 1:1.

**E M Letete (Ph.D.)
GOVERNOR**

Contact Person: Ephraim Moremoholo +266 22232094 / 58880647

Email: emoremoholo@centralbank.org.ls

